

VENDIM
Nr. 22, datë 8.5.2015

**PËR SHPËRNDARJEN E FONDIT PËR PROGRAMIN “INFRASTRUKTURË VENDORE
DHE RAJONALE”**

(Ndryshuar me vendimin nr. 39, datë 16.10.2015)

(i përditësuar)

Në mbështetje të nenit 100 të Kushtetutës, të nenit 15 e të aneksit 3, të ligjit nr. 160/2014, datë 27.11.2014, “Për buxhetin e vitit 2015”, Komiteti për Zhvillimin e Rajoneve

VENDOSI:

1. Shpërndarjen e fondeve për projekte për programin “Infrastrukturë vendore dhe rajonale”, thirrja III, pjesë e Fondit për Zhvillimin e Rajoneve, për vitin 2015, sipas tabelës 1, bashkëlidhur këtij vendimi.

2. Të gjitha njësitë e qeverisjes qendrore e vendore si dhe institucionet e organizatat për zhvillim, agjencitë zbatuese e zhvillimore, qendrore e vendore, projektet e të cilave miratohen për t’u financuar, sipas pikës 1, të këtij vendimi, brenda një jave nga data e publikimit të tij në Fletoren Zyrtare, duhet të paraqesin në sekretariatit teknik, pranë Ministrisë së Zhvillimit Urban, kalendarin me të gjitha afatet e parashikuara për fazat e prokurimit publik dhe të zbatimit të punimeve të ndërtimit e përdorimit të fondeve, si dhe emrin e personit përgjegjës për ndjekjen e zbatimit të punimeve.

3. Autoritetet kontraktuese për projektet, sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fillim të tremujorit të dytë të vitit 2015. Për fondet e projekteve të paprocuruara sipas këtij afati, Komiteti për Zhvillimin e Rajoneve ka të drejtën të rishqyrtojë financimin dhe t’i rishpërndajë ato për një projekt tjetër.

4. Ngarkohet sekretariati teknik në Ministrinë e Zhvillimit Urban të kryejë monitorimin dhe raportimin e ecurisë së zbatimit të projekteve te Sekretariati i Përgjithshëm i Komitetit për Zhvillimin e Rajoneve, në Kryeministri, sipas kalendarit të paraqitur nga autoritetet kontraktuese, në përputhje me pikën 2, të këtij vendimi.

5. Ngarkohen ministri i Zhvillimit Urban, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri	zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar;
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Shëndetësisë	anëtar;
Ministri i Bujqësisë, Zhvillimit Rural dhe	
Administrimit të Ujërave	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Bashkive të Shqipërisë	anëtar;
Kryetari i Shoqatës së Komunave të Shqipërisë	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës për Autonomi Vendore	anëtar.

Tabela 1. Projektet për financim për programin “Infrastruktura vendore dhe rajonale”, thirrja III

Nr.	Autoriteti Kontraktues	Emërtimi i projektit	Vlera e plotë e projektit (Lekë)	Vlera e financimit për vitin 2015 (Lekë)	Vlera e financimit për vitin 2016 (Lekë)
QARKU LEZHË					
1	Bashkia Lezhë	Zgjerimi i urës së Lumit Drin, dekorim dhe ndriçim	91,711,928	64,198,350	27,513,578
FONDI SHQIPTAR I ZHVILLIMIT*					
2	Fondi Shqiptar i Zhvillimit (Komuna Antigone)	Rehabilitim dhe sistemim i sheshit në qendër të fshatit "Asim Zeneli", qendër e Komunës Antigone	28,415,479	19,890,835	8,524,644
3	Fondi Shqiptar i Zhvillimit (Komuna Orenjë)	Rikonstruksion i rrugës Librazhd-Orenjë	30,450,000	21,315,000	9,135,000
4	Fondi Shqiptar i Zhvillimit (Komuna Levan)	Rikonstruksion i rrugës "Kthesa e Bishanit - Bocove - Varrezat e fshatit Bashkim"	88,531,238	61,971,867	26,559,371
5	Fondi Shqiptar i Zhvillimit (Bashkia Laç)	Sistemim, asfaltim i rrugës Sanxhak, Superstradë	101,142,279	70,799,595	30,342,684
QARKU FIER					
6	Bashkia Lushnjë	Urbanizimi i zonës informale në lagjen 18 Tetori	92,693,255	64,885,279	27,807,977
QARKU SHKODËR					
7	Bashkia Shkodër	Zbatimi i projektit në fushën e infrastrukturës, arredimit urban, infrastrukturë shërbimesh (zona informale e lagjes Mark Lula, zona 1 dhe zona 2)	20,707,580	14,495,306	6,212,274
TOTALI			453,651,759	317,556,231	136,095,528

* Në zbatim të vendimit të KZHR-së nr.6, datë 9.2.2015, “Për administrimin “tranzitor” të projekteve me autoritet kontraktues komunat, për periudhën shkurt-shtator 2015”.

Shënim:

1. “Vlera e plotë e projektit” përfaqëson vlerën brenda së cilës caktohet fondi limit për prokurimin e zbatimit të punimeve (kur nuk ka financim tjetër nga autoritetet kontraktuese). Vlera e plotë e projektit përcillet nga sekretariati teknik (Ministria e Zhvillimit Urban).
2. “Vlera e financimit për vitin 2015” tregon vlerën e financimit që vihet në dispozicion nga buxheti i Fondit për Zhvillimin e Rajoneve për vitin 2015.
3. Diferenca financimit të vlerës së plotë (mbas prokurimit) me vlerën e financimit për vitin 2015 do të financohet nga FZHR-ja për vitin 2016.
4. Për projektet me autoritet kontraktues Fondin Shqiptar të Zhvillimit, në vlerën e plotë të projektit është përfshirë edhe vlera e supervizimit dhe kolaudimit të projektit.

(Ndryshuar tabela nr. 1 me vendimin nr. 39, datë 16.10.2015)

Tabela 4. Ndryshim në tabelën 1, që i bashkëlidhej vendimit nr. 22, datë 8.5.2015

Projektit nr. 7, në tabelën nr. 1 të vendimit, i shfuqizohet financimi*.

Tabelës nr. 1 të vendimit, i ndryshojnë totalët e vlerës së plotë të projektit, dhe të vlerave të financimit për vitet 2015 dhe 2016, si më poshtë vijojnë:

Nr.	Autoriteti kontraktues	Titulli i projektit	Vlera e plotë e projektit (në lekë)	Vlera e financimit për vitin 2015 (në lekë)	Vlera e financimit për vitin 2016 (në lekë)
TOTALI			432,944,179	303,060,925	136,095,528

*Shënim: Projektit “Zbatimi i projektit në fushën e infrastrukturës, arredimit urban, infrastrukturë shërbimesh (zona informale e lagjes Mark Lula, zona 1 dhe zona 2), për arsye të mos zbatimit të projektit, i shfuqizohet financimi. Kjo vlerë financimi rialokohet në portofolin e Programit “Infrastruktura Vendore dhe Rajonale”. Autoriteti kontraktues nuk mund të vijoj procedurat për këtë projekt.